

SARS E LEMOGA PALO YEO E SEGO YA MEHLENG YA GODIMO YA GO BELAETŠA YA DINGWADIŠO TŠA VAT

Tshwane, 11 Mei 2023- SARS e ikgafetše go dira ditefelamorago tša maleba go balefela motšhelo bao ba khwalifayago ge go hlokega gape ge nako ya bona ya go lefelwa e fihlile. Go ya ka boikgafo bjo go ngwaga wa ditšhelete wa 2022/23 rekhoto ya ditefelamorago tša R381bn e lefetšwe fao R319bn e bilego ditefelamorago tša VAT.

SARS e lemogile ditiragalo tša go boeletša tša go belaelša tša dingwadišo tša barekiši ba VAT. Ka kgwedi ya Aprele, kudu, re bone koketšego e kgolo yeo e hlokilego gore re dire tekolo ya potlako ya tshepetšo ya rena ya ngwadišo. Nepo e kgolo ya tebo ya leano le molawana wa moakanyetšo wa platfomo ya taolo y arena ke go fana ka ngwadišo e bonolo. Se se swanetše go lekanyetšwa le kotsi ya tirišompe le maitekelo a bathokanoši a go hwetša nomoro ya VAT le go kleima ditefelamorago tša bomenetša. Re ile ra lemošwa lemošwa ke entšene ya rena ya kotsi gore go bile le koketšo ya palo ya godimo ya go se tlwaelege ya dingwadišo, tše ka moka e be e le ditiragalo tša go belaelša Tshekatsheko ya rena e laetša gore dipalo tše dikgolo di dirilwe ka maikemišetšo a go menetša SARS gomme le go foketša balefela motšhelo ba go botega.

Ka lebaka la tebelelo ya rena ya dingwadišo tša VAT, le koketšego ya kgonagalo ya bomenetša, tše di latelago di tlo phethagatšwa go tloga le semetsing.

- Dikgopelo ka moka tše dimpsha tša ngwadišo ya VAT di tlo dirwa ka fase ga tshepešo tekodišo yeo e tlo akaretšago dinyakwa tše mokgopedi a swanetšego go di phethagatša ka boyena, go lekala la kgauswi fao kgwebo e lego gona bakeng sa tiišetšo le nnetefatšo. .
- Fao bakgopedi ba letetšwego go etela lekala, ketelo e swanetše go beakanywa pele ga nako go wepsaete ya SARS, ka go kgotla go aekhone “Book an Appointment”.
- Ditokumente ka moka tša thekgo tše di hlokegago bakeng sa tiišetšo ya ngwadišo di swanetše go romelwa go lekala ka letšatši la kopano.
- Ngwadišo ya VAT e tlo phethagatšwa ge SARS e ikgotsofaditše gore kgopelo ke ya molao.

SARS e ikemišeditše go latofatša le go kgatlhana le bao ba dirago bomenetša. Bao ba utswago ditšhelete ba oketša kimelo ya motšhelo ka kakaretšo go batho ka moka bao ba lefelago motšhelo ka potego.

Khomišinare wa SARS Mrn. Edward Kieswetter o file molaetša wa kgalemo go bao ba amanego le ditiragalo tše. O boletše gore: “SARS e leka ka maatla go diriša data ya yona le bokgoni bja ekišo le metšhene ya go ithuta go kaonafatša bokgoni bja yona le go hwetša bao ba amanago le ditiragalo tša bosenyi. Bao ba nyatšago merero ya rena, ba dira bjalo ka boithatelo bja bona. Go ya pele, ke rata go kgopela tshwarelo go balefela motšhelo bao ba ka bego ba šitetšwe ke se.”

“SARS ke setheo sa sa tirelo ya maikemišetšo a go aga naga le go maatlafatša temokrasi ya rena ka go ikafela go koleka metšhelo, go kaonafatša obamelo, le go nolofatša kgwebo le go thuša go aga naga ya bokgoni. SARS e di dira tagafara ye ntle le go fiega, kgaogelo goba, kgethologano.”

Go hwetša tshedimošo enngwe, ka kgopelo ikgokaganye le SARSmedia@sars.gov.za